



**Sumpa man kay Allāh, hindi siya sumasampalataya!
Sumpa man kay Allāh, hindi siya sumasampalataya!
Sumpa man kay Allāh, hindi siya sumasampalataya!"
Sinabi: "Sino po, O Sugo ni Allāh?" Nagsabi siya:
"Ang hindi natitiwasay ang kapitbahay niya sa mga
sakuna niya."}**

Ayon kay Shurayḥ (malugod si Allāh sa kanya): {Ang Propeta (basbasan siya ni Allāh at pangalagaan) ay nagsabi: "Sumpa man kay Allāh, hindi siya sumasampalataya! Sumpa man kay Allāh, hindi siya sumasampalataya! Sumpa man kay Allāh, hindi siya sumasampalataya!" Sinabi: "Sino po, O Sugo ni Allāh?" Nagsabi siya: "Ang hindi natitiwasay ang kapitbahay niya sa mga sakuna niya."}

[Tumpak] [Nagsalaysay nito si Imām Al-Bukhārīy]

Sumumpa ang Propeta (basbasan siya ni Allāh at pangalagaan) at nagbigay-diin sa pagsumpa niya nang tatlong ulit sapagkat nagsabi siya: "Sumpa man kay Allāh, hindi siya sumasampalataya! Sumpa man kay Allāh, hindi siya sumasampalataya! Sumpa man kay Allāh, hindi siya sumasampalataya!" Kaya nagtanong sa kanya ang mga Kasamahan: "Sino po ang hindi sumasampalataya, O Sugo ni Allāh?" Nagsabi siya: "Ang nangangamba ang kapitbahay niya sa kasukaban niya, kawalang-katarungan niya, at kasamaan niya."

<https://www.sunnah.global/hadeeth/tl/show/66268>

